

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

170 **Ўзбекистон Республикаси Ҳукуматининг нотариат фаолиятини ташкил этишга доир айрим қарорларига ўзгартиришлар киритиш тўғрисида**

Нотариат институти такомиллаштирилиши муносабати билан, шунингдек янги ташкил этилган нотариал идораларни юқори малакали кадрлар билан тўлдириш мақсадида Вазирлар Маҳкамаси **қарор қилади:**

1. Ўзбекистон Республикаси Ҳукуматининг иловага мувофиқ айрим қарорларига ўзгартиришлар киритилсин.

2. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С. Азимов ва Ўзбе-

Ўзбекистон Республикаси қонун ҳужжатлари тўплами, 2012 й.

кистон Республикаси адлия вазири Н.Т. Йўлдошев зиммасига юклансин.

**Ўзбекистон Республикасининг
Бош вазири**

Ш. МИРЗИЁЕВ

Тошкент ш.,
2012 йил 10 апрель,
105-сон

Вазирлар Маҳкамасининг
2012 йил 10 апрелдаги 105-сон қарорига
ИЛОВА

**Ўзбекистон Республикаси Хукуматининг айрим қарорларига
киритилаётган ўзгартиришлар**

1. Вазирлар Маҳкамасининг «Судлар ва адлия органларини ривожлантириш жамғармасини ташкил этиш тўғрисида» 2003 йил 18 мартдаги 147-сон қарорига (Ўзбекистон Республикаси ҚТ, 2003 й., 3-сон, 26-модда):

а) 2-банднинг бешинчи хатбошидаги «нотариал ва» сўзлари чиқариб ташлансин;

б) Судлар ва адлия органларини ривожлантириш жамғармаси тўғрисидаги низом 2-бандининг бешинчи хатбошидаги «нотариал ва» сўзлари чиқариб ташлансин.

2. Вазирлар Маҳкамасининг 2010 йил 2 апрелдаги 62-сон қарори (Ўзбекистон Республикаси ҚТ, 2010 й., 4-сон, 14-модда) билан тасдиқланган Вазирликлар ва идораларнинг бюджетдан ташқари жамғармаларига йўналтирилаётган давлат божлари, йиғимлар ва солиқ бўлмаган тўловлардан, маъмурий ва молиявий жазолардан ажратмалар миқдорлари 12-бандининг «Шакллантириш манбаи» устунидаги «нотариал ва» сўзлари чиқариб ташлансин.

3. Вазирлар Маҳкамасининг 2010 йил 2 июндаги 104-сон қарори (Ўзбекистон Республикаси ҚТ, 2010 й., 6-сон, 25-модда) билан тасдиқланган Нотариал округда нотариуслар лавозимлари сонини белгилаш тартиби тўғрисидаги низомнинг 9-бандидаги «10» рақами «25» рақами билан алмаштирилсин.